

State of Wisconsin



Vim li cas thiaj li yuav tsum looj cov ntaub npog ntsej muag?

Centers for Disease Control (CDC) (Cov Chaw Tswj Kab Mob), Wisconsin Department of Health Services (DHS) (Tuam Tsev Tswj Xyuas Kev Noj Qab Haus Huv), thiab cov kws kho mob tshaj lij pom zoo kom yuav tsum muaj cov ntaub npog ntsej muag (los sis cov khwb ntsej muag) ua ib txoj kev yooj yim los tiv thaiv cov kua cev dhia mus rau cua tshuab ya thiab mus rau lwm cov tib neeg thaum cov tib neeg uas looj cov ntaub npog ntsej muag hnoos, txham, hais lus, los sis tsa suab qw.

Cov qib muaj tus kab mob COVID-19 nyob rau hauv Wisconsin tau nce siab heev thaum neeg coob zus rov qab mus ua hauj lwm thiab muaj kev sib txuam nrog laj mej pej xeem heev dua. Kev looj cov ntaub npog ntsej muag yog txoj kev yooj yim tshaj plaws los pab txo kev sib kis kom qeeb thiab tiv thaiv tau tus kab mob COVID-19 uas tsis txwv kom cov tib neeg yuav tsum nyob twj ywm hauv lawv cov vaj tse.

Thaum twg kuv yuav tsum looj daim ntaub npog ntsej muag?

Koj yuav tau looj daim ntaub npog ntsej muag thaum twg koj mus rau tej chaw sab hauv tsev los sis tej chaw ti, dua li hauv neeg tej tsev nyob, thiab lwm cov neeg nyob ua ke hauv tib chav los sis tib qhov chaw. Piv txwv, koj yuav tsum looj lub khwb ntsej muag thaum koj mus khw los sis ntiav tsheb tav xis caij.

Thaum twg kuv thiaj tsis tag looj daim ntaub npog ntsej muag?

Koj tsis tag looj daim ntaub npog ntsej muag yog:

- koj nyob rau hauv neeg lub tsev nyob;
- koj tawm mus nraum zoov; los sis
- koj nyob sab hauv tsev thiab tsis muaj lwm tus neeg.

Koj puav leej tshem tawm tau daim ntaub npog ntsej muag thaum muaj cov nram no:

- Thaum koj noj zaub noj mov los sis haus dej.
 - Thaum koj sib tham nrog ib tug tib neeg uas lag ntseg los sis tsis hnov lus zoo thiab koj yuav sib tham tsis tau yog tias koj looj lub khwb ntsej muag.
 - Thaum pw tsaug zog (xws li cov kws tua hluav taws pw hauv lub tsev tua hluav taws).
 - Thaum ua luam dej los sis ua txoj hauj lwm zov cawm siav.
 - Thaum koj nthuav tej ncauj lus kev cai dab qhuas, kev ua nom ua tswv, xov xwm, kev qhia ntaub ntawv, kev txuj ci ua zoo nkauj, txuj ci nthuav haiv neeg, suab paj nruag, los sis ua yeeb yam rau ib co neeg tuaj saib, tsuav yog koj nyob sib nruag deb tsawg kawg li 6 xib taws ntawm koj thiab lwm cov tib neeg.
 - Thaum koj ua hauj lwm uas yog looj daim ntaub npog ntsej muag yuav tsim muaj teeb meem rau kev nyab xeeb, raws li ntsuas pom los ntawm nom tswv cov kev coj qhia los sis kev cai tswj.
 - Thaum twg koj yuav tsum tau tshem koj daim ntaub npog ntsej muag tib pliag kom paub tseeb tias koj yog leej twg, xws li thaum koj mus rau hauv lub txhab cia nyiaj, lub koom haum txais nyiaj, los sis lwm cov chaw tswj xyuas nyiaj txiag los sis yuav tau saib koj lub ntsej muag kom phim rau koj daim yuaj cim tus kheej thaum mus yuav cawv.
 - Thaum twg mus ua tej yam dej num uas tsoom fvw teb chaws los sis lub xeev txoj caij los sis cov kev cai tswj txwv txiav tsis kheej looj daim ntaub npog ntsej muag.
-

Kuv puas yuav tsum looj daim ntaub npog ntsej muag thaum nyob sab hauv tsev, txawm yog kuv yeej nrug tus kheej deb ntawm lwm cov tib neeg tas li?

Yuav tsum looj daim ntaub npog ntsej muag thaum nyob sab hauv tsev tshwj tsis yog koj nyob rau hauv neeg ib lub tsev nyob los sis koj yog tib tug neeg nyob rau hauv chav tsev.

Kuv puas yuav tsum looj daim ntaub npog ntsej muag thaum kuv qoj ib ce?

Nyob ntawm seb koj qoj ib ce nyob rau qhov twg. Koj tsis tag looj daim ntaub npog ntsej muag yog koj qoj ib ce hauv neeg lub tsev nyob los sis nyob rau sab nraum zoov. Piv txwv, koj tsis tag looj lub khwb ntsej muag yog koj caij koj lub tsheb kauj vab taug ib txoj kab kev. Tiam sis koj yuav tau looj daim ntaub npog ntsej muag yog koj mus qoj ib ce nyob rau sab hauv ib lub tsev los sis ib qho chaw ti thiab muaj lwm cov tib neeg, xws li hauv lub tsev qoj ib ce gym, chav muaj cov cuab yeej kauj vab rau tuam, los yog chav qoj ib ce hauv tsev txais tos qhua.

Kuv puas yuav tsum tau looj daim ntaub npog ntsej muag thaum noj zaub mov, haus dej, los sis pw tsaug zog hauv ib lub tsev uas tsis yog kuv lub?

Tsis tag looj. Tiam sis koj yuav tsum rov looj daim ntaub npog ntsej muag tom qab koj ua tag cov dej num no. Piv txwv, thaum koj tos kom tau rooj zaum los sis tos tus neeg los sau koj cov khoom noj khoom haus, looj twj ywm koj lub khwb ntsej muag. Qhov no puav leej yog cov khw muag noj muag haus sab nraum zoov thiab cov cheeb tsam haus dej haus cawv.

Kuv muaj ib yam kev mob uas ua rau kuv looj tsis tau daim ntaub npog ntsej muag. Kuv puas yuav tsum muaj ntaub ntawv pov thawj qhia tias kuv tsis tag yuav looj daim ntaub npog ntsej muag thaum kuv mus poo nrog laj mej pej xeeb?

Tsis tag muaj. Koj tsis tag yuav nqa rawv ntaub ntawv pov thawj qhia tias koj yog tus neeg tsis looj daim ntaub npog ntsej muag thaum koj mus poo nrog laj mej pej xeeb.

Txoj cai yuam no puas muaj feem xyuam rau neeg cov vaj tse uas muab siv ua lag luam, xws li tus kws zuaj ib ce uas siv nws lub tsev ua qhov lag luam?

Tsis muaj feem xyuam, txoj cai yuam tsis muaj feem xyuam rau neeg pej xeeb cov tsev nyob.

Kuv yuav mus muab tau daim ntaub npog ntsej muag qhov twg?

Koj yeej ua daim ntaub npog ntsej muag tau koj tus kheej. Lub CDC muaj cov [kev qhia xaws thiab tsis xaws tib si](#).

Koj muas tau daim ntaub npog ntsej muag hauv khw, nrog rau cov khw saum huab cua.

Thiab, ntau cov zej zog neeg muaj cov kev pab uas tib neeg yuav tau daim ntaub npog ntsej muag pub dawb. Nrhiav cov kev pab no hauv cov pab pawg neeg nyob ib puag ncig thiab cov koom haum.

Kuv siv puas tau daim phiaj thaiv ntsej muag es txhob siv daim ntaub npog ntsej muag?

Tsis tau. Daim phiaj tsis tiv thaiv tau zoo li daim ntaub npog ntsej muag. Koj yeej siv tau daim phiaj thaiv ntsej muag *ntxiv rau* daim ntaub npog ntsej muag. Tiam sis siv tsis tau daim phiaj thaiv ntsej muag los hloov daim ntaub npog ntsej muag uas txoj cai no yuam.

Muaj ntau yam uas yuav siv tau daim phiaj thaiv ntsej muag es txhob siv daim ntaub npog ntsej muag yog tias koj ua hauj lwm rau ib qho chaw uas kev looj daim ntaub npog ntsej muag yuav tsim muaj teeb meem rau koj, raws li ntsuas pom los ntawm nom tswv cov kev coj qhia txog kev nyab xeeb (piv txwv, OSHA cov kev coj qhia yuav kheev qee cov neeg ua hauj lwm fab tsim ua khoom noj khoom haus looj daim phiaj thaiv ntsej muag es txhob looj daim ntaub npog ntsej muag), los sis koj ua tej yam dej num uas tsoom fwv teb chaws los sis lub xeev txoj cai los sis cov kev cai tswj txwv txiav tsis kheej koj looj daim ntaub npog ntsej muag.

Puas yuav tsum looj cov ntaub npog ntsej muag nyob sab hauv cov lag luam thiab chaw khiav lag luam?

Yuav tsum looj, tshwj tsis yog muaj kev tshwj xeeb.

Kuv puas yuav tsum looj daim ntaub npog ntsej muag thaum kuv nyob hauv kuv lub tsheb, sib qiv tsheb caij los sis caij tsheb ntiav?

Tib lub sij hawm uas koj yuav tau looj daim ntaub npog ntsej muag hauv koj lub tsheb yog koj mus ua ke nrog ib co neeg uas tsis yog koj lub yim neeg. Koj yuav tsum tau looj lub khwb ntsej muag yog koj siv cov tsheb sib qiv caij los sis nyob hauv cov tsheb ntiav.

Kuv yuav mus nrhiav qhov twg thiaj tau ncauj lus ntxiv txog kev looj daim ntaub npog ntsej muag, cov kev looj thiab hle kom nyab xeeb, thiab thaum twg yuav tau ntxhua cov ntaub npog ntsej muag?

Wisconsin Department of Health Services (DHS) (Tuam Tsev Tswj Xyuas Kev Noj Qab Haus Huv) muaj cov ncauj lus nyob rau ntawm lawv qhov vas sab txog kev looj, kev ntxhua thiab kev ua cov ntaub npog ntsej muag (<https://www.dhs.wisconsin.gov/covid-19/protect.htm>). Muaj cov ncauj lus ntxiv nyob rau ntawm US. Centers for Disease Control (CDC) (Cov Chaw Tswj Kab Mob) qhov vas sab (<https://www.cdc.gov/coronavirus/2019-ncov/prevent-getting-sick/cloth-face-cover-guidance.html>).

Cov lag luam puas yuav tsum tau muab cov ntaub npog ntsej muag rau lawv cov neeg ua hauj lwm los sis cov neeg qhua?

Tsis tag yuav tau muab. Tiam sis ntau cov lag luam yuav txiav txim muab cov ntaub npog ntsej muag rau lawv cov neeg ua hauj lwm los sis cov neeg qhua thiab xav txhawb kom lawv muab.

Yuav tswj txoj cai yuam looj ntaub npog ntsej muag li cas?

Txoj kev vam yog kom tag nrho cov pej xeem Wisconsin yuav rhais kauj ruam raus tes, ua yam yog thiab txaus siab hlo coj raws. Rau cov kev txhob txwm ua txhaum txoj cai yuam looj ntaub npog ntsej muag, txoj kev tswj yuav yog nyob ntawm qhov chaw thiab nom tswv cov kws ceev xwm. Cov kev txhob txwm ua txhaum cai yuav raug ib qho nqi nplua tus pej xeem txog \$200. [Wis. Stat. § 323.25](#). Yuav muab tej yam kev ua txhaum cai no ceeb toom qhia rau tus kws ceev xwm laj mej pej xeem kev noj qab haus huv kom taug qab xyuas los sis tus kws lij choj hauv cheeb tsam, uas muaj txoj cai raws [Wis. Stat. § 978.05\(2\)](#) los nplua cov kev coj yam ntxwv.

Kuv yuav ua li cas yog kuv pom ib tug neeg tsis looj lub khwb ntsej muag, thaum lawv yuav tsum tsim nyog looj?

Tsis ua dab tsi. Qee cov tib neeg muaj tej kev mob los sis xwm txheej uas ua rau kev looj daim ntaub npog ntsej muag nyuab los sis txaus ntshai. Koj tsuas looj koj lub khwb ntsej muag thiab nyob nrug rau xib taws xwb.

Kuv yuav ua tau li cas yog leej twg zes kom kuv yuav tsum looj lub khwb ntsej muag?

Tsis muaj ib tug neeg yuav tsum tiv txoj kev zes rau ib qho laj thawj twg hlo li. Hu rau tub ceev xwm hauv koj zos.

Yuav ua li cas yog lub zos los sis lub nroog uas kuv nyob rau yeej muaj txoj cai yuam kom looj daim ntaub npog ntsej muag los sis lub khwb ntsej muag lawm?

Tus hau xeev Governor txoj cai yuam teeb muaj kev txwv tsawg kawg nkaus. Yog tias koj cov nom tswv muaj cov kev cai tswj nruj dua, yuav tsum tau coj raws li cov kev cai tswj ntawd.